

## Na području općine Novo Sarajevo

## Za sanaciju biciklističkih staza 23.540 KM

► Za brojne bicikliste iz općine Novo Sarajevo stigla je lijepa vijest. Uskoro će biciklističke staze na području ove općine Novo Sarajevo biti obnovljene, a vremenski uvjeti pogoduju radovima na održavanju.

Ovih dana nastavljeni su radovi u

ulicama Hamdije Čemerlića i Topal Osman-paše na ovom projektu.

Vrijednost ugovora o održavanju biciklističkih staza na području općine Novo Sarajevo iznosi 23.540 KM, a radovi su povjereni firmi "Sa-com".

N. Č.

BOSNA I HERCEGOVINA  
FEDERACIJA BOSNE I HERCEGOVINE FEDERALNO  
MINISTARSTVO PROSTORNOG UREĐENJA

БОСНА И ХЕРЦЕГОВИНА  
ФЕДЕРАЦИЈА БОСНЕ И ХЕРЦЕГОВИНЕ  
ФЕДЕРАЛНО МИНИСТАРСТВО ПРОСТОРНОГ УРЕЂЕЊА

BOSNIA AND HERZEGOVINA  
FEDERATION OF BOSNIA AND HERZEGOVINA  
MINISTRY OF SPATIAL PLANNING OF THE FEDERATION OF BOSNIA AND HERZEGOVINA

Na osnovu člana 56. Zakona o prostornom planiranju i korištenju zemljišta na nivou Federacije Bosne i Hercegovine (»Službene novine Federacije BiH«, br. 2/06, 72/07, 32/08, 4/10, 13/10, 45/10, 85/21 i 92/21), Federalno ministarstvo prostornog uređenja

objavljuje  
JAVNI POZIV  
za uvid u  
GLAVNI PROJEKAT VJETROELEKTRANE IVOVIK  
autori projekta: I.D.E..A d.o.o. Sarajevo, Saraj Inženjering d.o.o. Sarajevo, Emna d.o.o. Sarajevo i Navitas d.o.o. Sarajevo  
investitor: VE IVOVIK d.o.o. Sarajevo

1. Na Javni poziv se, u skladu sa članom 56. st. 3. i 4. Zakona o prostornom planiranju i korištenju zemljišta na nivou Federacije Bosne i Hercegovine, mogu javiti samo stranke u postupku izdavanja odobrenja za gradenje vjetroelektrane „Ivovik“, instalirane snage 84 MW, sa pristupnim cestama, platoima i pratećim objektima, na području općina Livno i Tomislavgrad.
2. Na javni poziv stranke u postupku se mogu izjasniti počevši od osmog dana od dana objavljivanja, a najkasnije 15 dana od dana objavljivanja javnog poziva.
3. Ukoliko se stranka u postupku iz opravdanih razloga ne odazove na javni poziv za uvid u projekat može se o tome pisano izjasniti u roku od osam dana od dana objavljivanja poziva.
4. Stranke u postupku mogu uvid u Glavni projekat izvršiti u prostorijama Federalnog ministarstva prostornog uređenja, ul. Hamdije Čemerlića br. 2 u Sarajevu, od 10 do 14 sati, u roku 15 dana.

Broj: UPI/03-19-2-76/22  
Sarajevo, Hamdije Čemerlića br. 2, Tel + 387 33 726 500 Fax 652 743  
<http://www.fmpu.gov.ba>

Bosna i Hercegovina  
Federacija Bosne i Hercegovine  
Kanton Sarajevo

Bosnia and Herzegovina  
Federation of Bosnia and Herzegovina  
Canton Sarajevo

Općina Stari Grad Sarajevo  
Općinsko vijeće

Municipality of Stari Grad Sarajevo  
Municipal Council

Na osnovu člana 25. Statuta Općine Stari Grad Sarajevo – Prečišćeni tekst („Službene novine Kantona Sarajevo“, broj 20/13) i člana 13. stav (1) Odluke o priznanjima Općine Stari Grad Sarajevo („Službene novine Kantona Sarajevo“, broj 5/10 i 29/18), u skladu sa zaključkom Komisije za priznanja Općine Stari Grad Sarajevo, broj: 02-45-262/22 od 14.04.2022. godine, Komisija za priznanja Općine Stari Grad Sarajevo raspisuje

**JAVNI POZIV  
ZA PODNOŠENJE PRIJEDLOGA ZA DODJELU PRIZNANJA  
OPĆINE STARI GRAD SARAJEVO**

Kao izraz zahvalnosti za izuzetna dostignuća i doprinos od posebnog značaja za razvoj i ugled Općine Stari Grad Sarajevo, te podsticanje na aktivnosti koje su tome usmjerene, Općinsko vijeće Stari Grad Sarajevo će, pojedincima, organizacijama, institucijama, udruženjima, drugim pravnim subjektima, stranim državljanima i institucijama, dodijeliti priznanja. Priznanja Općine Stari Grad Sarajevo će se dodjeljivati na svečanoj sjednici Općinskog vijeća, zakazanoj povodom Dana Općine ili u dane utvrđene Odlukom o obilježavanju značajnih događaja, datuma i ličnosti iz perioda agresije 1992.-1995. godina i u drugim prilikama.

Priznanja koja se dodjeljuju su:

- OPĆINSKA POVELJA SA ZLATNIM ŠTITOM
- POVELJA SA GRBOM OPĆINE STARI GRAD SARAJEVO
- ZLATNI SEBILJ
- POLICAJAC GODINE

Prijedloge za dodjelu Općinskih priznanja mogu podnijeti: građani Općine, vijećnici Općinskog vijeća, predsjedavajući Općinskog vijeća, Općinski načelnik, udruženja registrovana na području općine, političke partije koje djeluju na području općine, klubovi vijećnika Općinskog vijeća, savjeti mjesnih zajednica sa područja općine, privredna društva sa registrovanom djelatnošću na području općine, ustanove i druge organizacije i pojedinci.

Prijedlozi za dodjelu priznanja podnose se Komisiji za priznanja Općine Stari Grad Sarajevo, u pisanom obliku, sa detaljnim obrazloženjem i relevantnim dokazima.

Rok za podnošenje prijedloga Komisiji je 7 (sedam) dana od dana objavljivanja javnog poziva u dnevnoj štampi i na web stranici Općine Stari Grad Sarajevo ([www.starigrad.ba](http://www.starigrad.ba)). Nepotpuni i neblagovremeni prijedlozi neće se uzimati u razmatranje. Podnosilac prijedloga moralno i materijalno odgovara za tačnost podataka navedenih u inicijativi.

Svi zainteresovani svoje prijedloge mogu uputiti putem pošte na adresu: Općina Stari Grad Sarajevo, Općinsko vijeće, ul. Zelenih beretki br. 4 sa naznakom „Javni poziv za podnošenje prijedloga za dodjelu priznanja Općine Stari Grad Sarajevo“ ili neposredno predati na šalter - Protokol Općine Stari Grad Sarajevo.

Kompletan tekst javnog oglasa sa detaljnim uslovima i načinom prijave dostupan je na zvaničnoj web stranici [www.starigrad.ba/javni](http://www.starigrad.ba/javni) pozivi, konkursi i oglasi.

Broj: 02-45-271/22  
Sarajevo, 15.04.2022. godine

PREDsjedNIK KOMISIJE  
dr.sci.Mirza Batalović, dipl.el.ing.

Sarajevo, Zelenih beretki 4  
Centrala: 033/282-300, Info pul: 033/282-422  
[www.starigrad.ba](http://www.starigrad.ba)  
[info@starigrad.ba](mailto:info@starigrad.ba)

## NE TRPI KRITIKE Ministar Šteta odgovorio na optužbe

## Dajem ostavku ako ra

Mi radimo prema procedurama i zakonu i takve pozicije nabavke trolejbusa iz Bjelorusije,

Adnan Šteta, ministar saobraćaja Kantona Sarajevo, nakon niza kritika upućenih od zastupnika u Skupštini KS, ali i medija, održao je jučer press-konferenciju na kojoj se obrusio na sve one koji ukazuju na kašnjenje u radovima i nerealizaciju brojnih infrastrukturnih projekata.

- Nisam se oglašavao na način da svakog dana demantiram one koji iznose laži. Samo djelima govori-

mo i to se vidi u gradu. Znam da je politika prljava stvar. Došla je nova generacija političara, koja ne bježi od odgovornosti i radi nešto što ovi nisu uradili 30 godina - rekao je Šteta.

## Karijera na lažima

On je istakao da se trenutno dešava nešto što se nije dešavalo od 60-ih, 70-ih, 80-ih godina, između ostalog, rekonstrukcija tramvajske pruge od

Ilidže do Marindvora, priprema za tramvajsku prugu do Hrasnice, vraćanje trolejbuske mreže do Vogošće, modernizacija vozila javnog prijevoza...

Posebno se osvrnuo na dva segmenta - rekonstrukciju tramvajske pruge i nabavku novih trolejbusa.

On je istakao da je rekonstrukcija pruge najkompleksniji infrastrukturni projekt. Naveo je da su radovi počeli naljeto

## Novinari osudili ponašanje Nikšića i Konakovića

Nakon jučerašnje press-konferencije Nermin Nikšić, predsjednik SDP-a, zaustavio je novinarku N1 Sunčicu Šehić na izlazu iz sale, hvatajući je za ruku, te joj je više puta ponovio da je „jadna“ zbog pitanja koja je postavljala o

infrastrukturnim projektima u KS. Pitanja ove reporterke nisu se svidjela ni predsjedniku NiP-a Elmedinu Konakoviću, koji joj je, dan ranije, između ostalog, rekao da je „nervozna“ i „ljuta što je napustila TVSA“ pa se zato, kako je

zaključio Konaković, „na njemu izivljava“.

Upravni odbor Udruženja/udruge „BH novinari“ izrazio je javni protest zbog krajnje neprimjerenog i uvredljivog ponašanja Nikšića i Konakovića prema predstavnicima medija.

## Organizatori Amila Hadžić i klub 'Bosna Gym'



Ostvareni sjajni rezultati



## Turnir u čast Suade Dilberović okupio 400 gimnastičarki

Nejra Kovačević i Farah Fejzić učestvovat će na EP u Izraelu

U Sarajevu je od 3. do 6. aprila održan Međunarodni turnir u ritmičkoj gimnastici „Suada Dilberović“, na kojem je nastupilo više od 400 takmičarki.

Cilj ovog turnira je da sačuva sjećanje na Suadu Dilberović, prvu žrtvu rata, a ujedno je i nastavak tradicije održavanja turnira koji se organizira od 1984. godine i koji je uvršten u kalendar Međunarodne gimnas-

tičke federacije (FIG).

- Ovaj turnir je veoma značajan, prije svega, zbog sjećanja na Suadu Dilberović, koja je bila volonterka na Svjetskom prvenstvu ritmičke gimnastike 1989. godine. Također, to je bila idealna prilika za testiranje naše dvije takmičarke Nejru Kovačević i Farah Fejzić, koje će nas predstavljati na Evropskom prvenstvu u Izraelu ove godine - kazala nam je

Amila Hadžić, trenerica kluba „Bosna Gym“, koja je o svom trošku organizirala ovaj turnir.

Kovačević i Fejzić će u junu učestvovati na smotri najboljih gimnastičarki Evrope.

One su uspješno predstavljale našu državu na Svjetskom i Evropskom prvenstvu, Olimpijskim igrama mladih te na Mediteranskim igrama.

N. Č.